

Transformacion di Fundacion Parke Nacional Aruba a base di principio di bon gobernacion



ORANJESTAD – Recientemente a tuma luga e transformacion y implementacion di principionan di bon gobernacion pa loke ta statutonan di FPNA. Esaki despues di

un tempo intenso y estrecho unda cu e personanan apunta por medio di corte y pa ex- gobernador señor F.J Refunjol, a haci un inmenso trabou pa asina trans-

forma FPNA den un organisacion pa futuro, asina contribuyendo na salvaguardia e sector medio ambiental di Aruba.

Esaki a sosode den presencia

di notario Hilde Rodriguez-Taekema, tambe anteriormente conoci como hunta di directiva di Parke Nacional, y manager di parke.

Actualmente FPNA cu sosten di Ministerio ta trahando hopi duro pa finalisa e trabounan pa loke ta nos parke marino. Enfocando riba e plan di maneho cu aworaki ta den forma conceptual, incorporando diferente vision pa actornan clave den nos comunidad. Tambe por menciona cu e siguiente paso lo ta e aspectonan di areanan candidato pa wordo proteha (19+ areanan). Asina poco poco conhuntamente cu Ministerio y e vision di FPNA e sector di medio ambiente ta ricibi un plataforma igual na otro sectornan den nos comunidad.

Tin hopi trabou ainda pa haci

y algun reto pa surpasa. Pero cu e hunta di supervision di FPNA y e statutonan cu ta basa riba principionan di bon gobernacion, lo eherce e trabounan y transforma e reto- nan den oportunidadnan.

Minister di Desaroyo Teritorial, Infraestructura y Medio Ambiente Otmar Oduber, ta aplaudi e pasonan cu e awor yama: Hunta di Supervision di Fundacion Parke Nacional (FPNA) a tuma pa asina transforma e organisacion den un organisacion cu ta opera segun principionan di bon gobernacion.

Ministerio ta bisa danki pa e confiansa na cada un persona cu a sinta cu Ministerio na mesa pa asina yega na un miho organisacion pa Aruba.